

黔西州志卷之七

武備志序

禹貢三百里揆文教二百里奮武衛武備所關千古為昭矣故兵可百年不用不可一日不備况黔西素號鬼國背負山箐三面距水苗蠻頑梗伏莽易生防衛之道尤當急講自昔殷宗之伐三年乃克武侯之征七擒始定有明王三善以大萬眾盡沒內莊歷代之得失可考矣我

朝文謨武烈超軼前代旌麾所指無不風行電掃故以水西荒服咸歸版宇乃猶安營置汛以樹藩籬關防鎮密覲觀潛消金湯之固永若苞桑矣作武備志

黔西州志

卷之七

兵制

國朝

康熙三年平定水西設

總兵官一員 中營參將一員 左右營遊擊二員

守備三員 千總六員 把總十二員

康熙二十三年為裁兵之成議已久等事案內改總兵為副將裁參將一員遊擊一員守備一員千總二員把總四員

雍正十年為請定武職陞選之法等事改遊擊二員為都司二員 十二年為營制宜歸畫一等事裁都

司守備各一員存副將一員都司一員守備一員千
總四員分防三員把總八員分防五員

制兵一千二百名內馬戰兵一百二十名步戰兵四
百八十名守兵六百名原設兵二千二百二十名

康熙二十三年裁兵四百二十名二十四年復裁
兵六百名三十八年撥往東川兵一百名乾隆

二年添兵一百名

西溪汎在城西四十里

千總一員兵一百名分防

西溪塘 松樹溝塘 楊家海塘 新舖塘 以那

黔西州志

卷之七

兵制

二

壩塘 橋頭塘 大樹坪塘 白泥田塘 木渣黑

塘 阿凹水塘

以上十塘共設馬步兵丁二十六名存汎兵丁七
十四名

鎮西汎在城東南九十里

千總一員兵七十八名分防

鎮西塘 王家庄塘 反蘇田塘 擺墮塘 乾溝

塘 白臘溝塘 高山堡塘 花椒堡塘 龍潭塘

以上九塘共設馬步兵丁三十六名存汎兵丁四
十四名

沙土汎在城北一百九十里

千總一員 兵一百二十名分防

大寨塘 箐口塘 木廠塘 楊家關塘 了溪宅

塘 龍爪崗塘 苦茶園塘 老木孔塘 官村塘

抵水塘 下關塘 龍潭塘 蔡家車塘 篋衣

寨塘

以上十四塘共設馬步兵丁四十二名存汎兵丁七十八名

六廣汎在城東七十里

把總一員 兵五十名分防

黔西州志

卷之七

兵制

三

五顯臺塘 白花箐塘 一碗水塘 五里壩塘

谷里塘 楊柳塘 官庄塘 小箐塘 小橋塘

坡背塘

以上十塘共設馬步兵丁二十名存汎兵丁三十名

黃沙渡汎在城東北一百一十里

把總一員 兵五十六名分防

黃沙渡塘 以濟河塘 龍井塘 濫泥溝塘 牛

場坡塘 渭河塘 中伙舖塘 耕樓山塘 王家

苑塘

以上九塘共設步塘兵丁一十八名存汎兵丁三十八名

鴨池汎在城東南五十里

把總一員 兵五十五名分防

鴨池河塘 濫泥溝塘 四方井塘 空桐樹塘

打鼓寨塘 隴箕塘 白射塘 濯革河塘

以上八塘共設馬步兵丁二十七名存汎兵丁二十九名

沙溪汎在城北一百二十里

把總一員 兵七十二名分防

黔西州志

卷之七

兵制

四

沙溪塘 楊柳塘 上烏慶塘 下烏慶塘 馬厰

塘 苦茶園塘 三重堰塘 革撥溪塘 天生橋

塘 黃幸樹塘 風岩塘 果把底塘 木那落塘

霸郎關塘

以上十四塘共設步塘兵丁四十二名存汎兵丁三十名

石革開汎在城西北一百九十里

把總一員 兵一百名分防

路宰樓塘 馬雄山塘 清水塘 舊衙門塘 住

中塘 魚塘河上渡塘 魚塘河下渡塘 臥泥河

塘 岩上塘 岩下塘

以上十塘共設馬步兵丁三十名存汎兵丁七十名

存駐州城副將一員都司一員守備一員千總一員
把總三員兵五百六十九名

一乾隆六年為遵

旨密議事案內裁汰兵丁一百名實存兩營馬步兵丁
一千一百名

一乾隆四十七年為欽奉

上諭事案內裁除公費紅白卹賞並各官養廉共裁除

黔西州志

卷之七

兵制

五

名糧一百五十八名 實存兩營馬步守兵九百四

十二名

一嘉慶三年為會籌善後酌撥等事案內裁協營移
撥永安安南馬步兵丁四百二十四名外實存馬步

兵丁五百一十八名內設 遊擊一員 守備一員

千總二員

分防一員

把總四員

分防三員

外委六員

分防

四員 額外外委把總二員 馬步戰守兵丁五百一

十八名內有外委六員額外二員

一駐州城遊擊一員守備一員千總一員把總一員

外委二員額外外委把總二員馬步戰守兵丁二百

六十四名

一分防鎮西汎千總一員帶領馬步兵丁五十五名
一分防沙溪汎把總一員帶領步戰守兵丁四十一名

一分防沙土汎把總一員帶領步戰守兵丁二十八名

一分防西溪汎把總一員帶領馬步兵丁三十五名
一分防黃沙渡汎外委一員帶領步戰守兵丁一十五名

黔西州志 卷之七 兵制 六
一分防六廣汎外委一員帶領步戰守兵丁二十八名

一分防鴨池汎外委一員帶領馬戰守兵丁一十五名

一分防石革開汎外委一員帶領步戰守兵丁四十一名

師旅考

蜀漢建興三年丞相諸葛亮南征以牂牁蠻長濟濟
火為先鋒所至皆捷

寶祐四年五月羅氏鬼國遣報思播言元兵屯大理
國取道西南將大入邊詔思播結約羅鬼為援 十

七年己未詔討羅氏鬼國命以蒙古軍六千合刺章
軍二萬西川藥刺海萬家奴軍萬人三道並進 六
月壬申遣官告蠻部安撫使王阿濟同萬戶咎坤詔
諭羅氏鬼國 秋七月括蒙古軍成丁者勅亦來等
率萬人入羅氏鬼國如其不附則討之 九月羅氏
鬼國王阿察及阿里降安西王相李德輝遣人偕入
覲十二月己卯羅氏鬼國土寇爲患思播道路不通發
兵千人與洞蠻開道 明宣德二年水西宣慰頭目
阿閉妨宜與普定衛西堡長官蠻民阿骨阿哈共爲
亂貴州總兵官蕭授上書請討上不許勅遣官撫諭
已而授奏閉妨宜爲傍寨所殺惟阿骨尙猖獗請調
兵討之未幾平

天啟元年二月宣諭司同知安邦彥詣巡撫李檉請
討奢崇明自效不許安邦彥者宣慰使安堯臣族子
堯臣死子位幼其母奢社輝崇明女弟代領其眾邦
彥遂專兵權會朝議征西南兵援遼邦彥素黠欲乘
以起事詣檉請行檉諭止之歸益爲反謀檉累疏請
增兵益餉朝中方急遼事置之不問會檉被劾六疏
乞休十月始得請以王三善代而崇明已陷重慶遵
義貴陽大震檉遂畱視事時城中兵不及三千倉庫

虛竭糧與巡按御史史永安貸雲南湖廣銀四萬有奇募兵四千儲米二萬石爲戰守具而急遣總兵官張彥方都司許成名黃運清監軍副使宋芹提學僉事劉錫鉉等援四川戰屢捷復遵義綏陽湄潭正安桐梓諸州縣二年二月安邦彥叛圍貴陽城或傳奢崇明已陷成都邾彥遂挾安位反自稱羅甸王四十八支及他部頭目安邦俊陳其愚等蠡起相應烏撒土目安效良亦與通邾彥遂襲畢節都司楊明廷固守擊斬數百人效良助邾彥陷其城將士三千人俱沒賊遂分兵陷安順平壩效良亦西陷霑益而邾彥

黔西州志

卷之七

考

八

自統水西軍及羅鬼苗仲數萬東渡六廣河直趨貴陽別遣王倫等下甕安襲偏橋以斷援兵洪邊土司宋萬化糾苗眾九股陷龍里李樸史永安聞變急議守城會藩臬文武咸入覲而彥方鎮銅仁運清駐遵義城中文武無幾人乃分兵爲五令提學僉事劉錫鉉及參議邵應禎都司劉嘉言副總兵劉岳分兵從西門樵自當北門之衝永安居譙樓團街市兵防內變學官及諸生亦督民兵分堞守禦賊至盡銳攻北門樵迎戰敗之轉攻東門爲錫鉉所卻持數日賊多死乃日夕分番馳突以疲官兵城中出精卒突賊賊

驚卻乃爲三丈樓臨城用婦人雞犬厭勝術檉永安烹雉雜斗米飯投飼雞犬而張虎豹皮於城樓以被之乃得施砲石夜縋死士燒其樓賊盡死賊又作竹籠萬餘壘土之高處以便於睥睨檉永安急撤大寺鐘樓建城上賊棄籠去官軍出燒之數出城邀賊糧賊怒盡發城外塚通燒村寨又先後攻陷廣順州普定威清普安安南諸衛貴陽西數千里盡爲賊有初被圍彥方運清來救敗賊於新添賊誘入龍里二將皆敗賊誘之入城曰使耗文糧城中果大困川廣總督張我續巡撫王三善擁兵不進檉永安連疏告急

我續等卒不進會彥方等出戰頻得利賊退保宅溪檉永安又遣裨將商士傑等共九千人分控威清新添二衛且乞援兵賊謂城必拔沿山爲營柵隔內外旬日始一攻輒敗去副總兵徐時逢參將萬仲仁來援遇賊囊城河食盡仲仁兵先逃賊乘虛擊之軍盡潰諸將馬一龍白自強等殲焉援遂絕賊聞三善將進兵益日夜攻架木高坡以瞰南城檉永安募死士燔之火五日夜賊盡攻擊之術已登陴天將曙忽自還明日梯而登守城者止餓卒六人荷戈強起賊纔殺一人卽驚退墜梯死者無算賊大駭疑城中尙有

精兵數萬云

十二月王三善大破賊於龍里貴陽圍解自李樛史永安連疏告急趣三善赴援三善始駐沅州調集兵食已次鎮遠再次平越遣知府朱家民乞兵四川兵未至不敢進疏請便宜從事給空名部劄得隨材授任帝悉許之至十月朔知貴陽圍益困三善急召諸將曰事迫矣前則以戰死後則以法死夫死法與死戰孰優尙何待也乃分兵爲三副使何天麟等從清水江進爲右部僉事楊世賞等從都勻進爲左部自將二萬人與參議向日升副總兵劉超參將楊明楷

黔西州志

卷之七

考

十

劉志敏孫元謨王建中都司陳嘉謨等由中路當賊鋒一日抵新添又一日進牟猪洞又一日次新安是夜報賊至合營驚擾議退兵三善手劍疾呼曰退卽死此旣而覘無賊乃命劉超爲前部超三善同里人有智畧疾行抵龍頭營三善身尾之相去不二里聞砲聲眾驚不欲前三善督之旣而劉超捷音至初超兵遇賊兵超下馬斬偵者二人而自揮刀斷賊標時賊首阿成驍甚超與步兵張良俊直前斬之賊披靡會大兵至齊進奪復龍里賊後大集乃大戰卻之遂據龍里城眾議休息三善曰我兵猝至賊無備此可

以破竹而顧卻之何也遂策馬前進眾隨之自平越至此幾六日抵城下而邦彥已遁遂乘勝窮追至畢節舖賊步騎如雲皆自相蹂踐而追騎如牆並進斬獲無算安邦俊戰死輜重山積時城守十月旦夕將陷忽賊兵奔潰如蟻喊聲雷震俄頃五騎衝鋒至城下曰新撫至矣軍民大悅慶再生樗等迎入城三善不許曰賊兵不遠軍心猶未定也我不可卽安遂營於南門外坡上大雪次日移營宅溪賊遠遁六廣河外居數日左右二部及湖廣廣西四川援兵先後至三善以二萬人破賊十萬有輕敵心且憂乏食欲因

糧於敵舉超爲總兵官令渡六廣趨大方搗安位巢以世賞監之令總兵官張彥方渡鴨池搗安邦彥巢以天麟監之漢土兵各三萬別將都司線補袞出黃沙渡尅期並進超等至六廣連戰皆捷彥方部將秦民屏破賊五大寨諸將益輕敵三年正月劉超渡六廣河賊薄之獨山土官蒙詔先遁賊乘之官軍大敗超走免先鋒楊明楷被執諸將姚旺等三十六人死焉賊遂攻破鴨池中軍部將覃宏化先遁諸營盡潰彥方保威清惟補袞軍獨全諸苗見王師失利復蠶起土酋何中尉進據龍里而邦彥使李阿二圍青巖

斷定番餉道令宋萬化吳楚漢爲左右翼自將趨貴陽遠近大震三善急遣遊擊祁繼祖等取龍里王建中劉志敏救青巖繼祖燔上中下三牌並及賊百五十寨建中亦燔賊四十八莊龍里定番路皆通又夜遣繼祖搗楚漢八姑蕩燔莊寨二百餘薄而攻之賊溺死無算萬化不知楚漢敗詐降三善佯許而令諸將捲甲趨之萬化倉皇出戰被擒邦彥爲奪氣羣苗復效順三善給以黃幟俾樹營中邦彥望見不敢出增兵守鴨池六廣諸要害是時川撫朱燮元屢破奢崇明兵崇明窮蹙投邦彥西川總理魯欽馳赴貴陽

剿擒何中尉彥方亦追賊鴨池而賊復乘間陷普安時代總督張我續者爲楊述中駐沅州畏賊朝命屢趣始移鎮遠三善議會師進討述中暨諸將多持不可三善排羣議以進十月十一日自將六萬人渡烏江次黑石連敗賊斬前逃將覃宏化以狗賊乃柵漆山日遣遊騎掠樵採者官軍食漸乏諸將議退師三善怒曰汝曹欲退不如斬吾首以降賊諸將乃不敢言三善募壯士逼漆山緋衣綦冠肩輿張蓋自督陣語將士曰戰不捷此卽吾致身之處也旁一山極峻揮左右據其巔賊倉皇拔柵爭山將士殊死戰賊大

敗邦彥狼狽走三善渡渭河降者相繼師抵大方入
居安位第位偕母奢從輝走火灼堡邦彥竄織金先
所陷將楊明楷乃得還位窘遣使詣述中乃令縛崇
明父子自贖三善並責獻邦彥往返之間賊得爲計
三善以賊方平議隄縣其地諸苗及土目咸惴恐益
合於邦彥三善先約四川總兵官李維新滅賊以餉
乏辭三善屯大方久食盡述中不爲援不得已議退
師

四年正月王師敗於內莊巡撫王三善死之三善以
糧盡焚大方廬而東賊躡之中軍參將王建中副總

兵秦民屏戰歿官軍行且戰至內莊後軍爲賊所斷
三善還救士卒多奔陳其愚者賊腹心先詐降三善
信之與籌兵事故軍中虛實賊無不知及隨三善行
遇賊衝三善墜馬三善知有變急解綬付家人拔刀
自刎喉未絕羣賊擁之去罵不屈遂遇害同知梁師
泰主事田景猷等四十餘人皆死賊拘監軍副使岳
其仰以邀撫岳其仰馳蠟書於外被殺事聞總督楊
述中回籍聽勘

四月起傅宗龍巡按貴州命右副都御史蔡復一代
楊述中總督貴州雲南湖廣軍務兼巡撫貴州賜上

方劍便宜從事時喪亡之餘兵食盡絀斗米銀八錢復一勞來拊循人心乃定召集將吏申嚴紀律遣總理魯欽等救凱里斬賊五百餘都勻凱里土司者運道咽喉也邦彥結諸蠻困其城長官楊世蔚不能守復一遣魯欽及劉超救之拔賊巖頭寨遂移師克平茶已而邦彥盡驅羅鬼結四十營於班鳩灣結寨二十餘里分犯普定復一令魯欽及總兵官黃鉞分道禦之欽率部將張雲鵬劉志敏鄧玘等大敗賊於汪家冲鉞及參政陸夢龍副使楊世賞亦大敗賊於蔣義寨斬首千五百餘級搜山復斬六百餘級尹伸守

普定亦敗賊兵與大軍會共剪水外逆苗邦彥大窘渡河西奔欽鉞督諸將窮追而夢龍等諸監司分駐三岔河岸爲後應前鋒雲鵬玘等深入織金織金者邦彥巢也線道皆重關疊隘木石塞山徑將士用巨斧開之或扳籐穿竇而入賊戰敗遁深箐斬首復千餘級窮搜不得邦彥乃班師是役也焚賊巢數十獲牛馬甲仗無算復一以鄰境不協討致賊未滅請勅四川出兵遵義畢節抵水西雲南出兵霑益抵烏撒犄角平賊帝悉可之因命廣西雲南四川諸羈鄰貴州者悉聽復一節制傅宗龍擒陳其愚斬之其愚旣

陷三善安居貴陽城爲賊耳目宗龍戮諸市兵民大快

五年正月魯欽等旋師渡河賊從復襲擊諸營盡潰死者數千人時蔡復一爲總督朱燮元亦以尙書督四川湖廣陝西諸軍以故復一節制不行於境外欽等深入四川雲南兵皆不至復一自劾因論事權不專故巡按傅宗龍亦以爲言廷議燮元督河令復一專督五路師御史楊維垣獨言燮元不可易請令兼復一任帝用維垣言解復一任聽勘而以王瑊爲右副都御史巡撫貴州復一俟代仍拮据兵事六月復

黔西州志

卷之七

考

十五

一與宗龍討勦破烏粟螺蝦長田及十五寨叛苗初至平越興隆清平二衛苗二百餘寨錯踞其間以長田之天保阿秧爲魁邦彥初叛卽授二酋使督兵通下六衛聲息是年寇石阡餘慶監軍按察使來斯行限阿秧使圖天保阿秧反以情告斯行乃誘斬阿秧議討天保會以疾去復一令貴陽同知周鴻圖代爲監軍會阿秧弟阿賈與天保請兵邦彥復兄仇復一以兵事屬鴻圖及魯欽而遣參將楊明楷胡從儀等佐之欽等三道進兵賊敗走大戰米墩山生擒天保阿賈亦被俘先後斬賊魁五十四人獲首二千三百

五十級破焚一百七十四寨盛夏與師將士冒暑雨衝嵐瘴積年渠寇盡除土人謂數百年所未有復一既奏功未獲報十一月卒於平越軍中鴻圖以功授平越知府

六年春正月安邦彥復大舉入寇魯欽禦之楊家海連戰數日賊夜半直逼欽壘將士逃竄欽遂自刎諸營盡潰賊勢復張遂燒劫麻姑孫官堡苗狎復助逆貴州三十里之地樵蘇不行城中大震巡撫王瑊巡按傅宗龍遣周鴻圖胡從儀等先攻河沙壩羅鬼盡俘之廣順定番青巖白納一帶苗蠻爲之奪氣然後

拒邦彥於趙官堡小戰二日大戰二日所殺傷甚眾水內水外之賊奔走潰歸道路復通總督朱燮元以憂歸加偏院巡撫閔夢得總督控制五省夏巡撫王瑊巡按傅宗龍進攻平越都勻麻哈諸叛苗黔中四面皆苗而最狡悍者莫如勻哈安邦彥初叛圍龍里新添皆藉其眾至是數出沒剽掠清平新添地方餉道爲梗平越知府周鴻圖會同都司張雲鵬率兵攻擺沙大寨擺沙居寨之中距平越百餘里乘夜由間道掩襲破之賊遁入箐其中米穀山積次日搜百里大山移營牛場箐攻甕岳箐寨後攻都勻城西南眾

賊八路會兵入箐各有斬獲復破江時戶西高平養古數十寨斬首二千餘級埽蕩二百餘里

七年春參將楊明楷奉命宣諭安位會擒獻首惡爲邦彥所殺

崇禎元年秋七月詔起朱爕元總督貴湖雲川廣五省軍務

二年八月總督朱爕元討安邦彥誅之先是三善由六歸大方凡百七十里皆羅鬼巢穴前衝後截已失地利爕元初議滇兵出霑益邊安效良應援而別布兵天生橋尋甸等處以絕其走路蜀兵臨畢節扼其

交通四裔之路而別出龍場巖後以奪其險黔兵由普定渡思臘河徑趨邦彥巢而六廣鴨池搗其虛粵西出泗城分兵策應然後率大軍由遵義鼓行而前尋以憂去未及用總督閔夢得繼之亦以貴州抵大方路險而賊恃畢節一路外通用兵當自永寧始由永寧而普市而摩泥而赤水百五十里皆坦途有水有城郭可憑而守宜結營而守於此漸進漸迫爲白巖爲會臺爲畢節共二百里至大方然後以重兵扼之可以一鼓擒也亦不果用至是爕元至乃檄滇兵下烏撒蜀兵出永寧畢節扼各路要害而親率大軍

駐六廣以逼大方時崇明號大梁王邦彥號四裔大長老其下及費阿鮮等各號元帥悉力趨永寧先犯赤水燮元授意守將許成名佯敗引之深入度賊已抵永寧分遣林兆鼎從三岔河入王國珍從六廣入劉養鯤從遵義入邦彥分兵四應力不能支羅乾象復以奇兵繞出其背急擊之崇明邦彥皆被劍斬其首以獻 九月貴州四川雲南合兵進討水西餘賊三年三月安位遣漢把左之濱等乞撫疏聞許之八年水西頭目臥這化沙爭襲相構各獻土地請設流官總督朱燮元議設十二州分治其地各置副將鎮

黔西州志

卷之七

考

六

守

國朝

康熙三年二月水西宣慰司安坤叛

上命總管吳三桂督雲貴各鎮兵分東西兩路討之三月朔三桂統雲南十鎮兵由畢節七星關八果勇令總兵劉之復駐兵大方遏其衝逸令提督李本深統貴州四鎮兵由大方之六歸河會剿而屯糧於三岔河首尾夾攻布置既定而檄黔省兵書誤書六歸爲陸廣於是本深兵及黔蜀二省所運之糧盡屯陸廣三路氣息隔絕不相通三桂受困兩月食將絕外援

不至永順總兵劉安邦戰死受圍益迫適水西土目安如鼎遣人偵黔營虛實爲本深所獲始知三桂被圍已久乃使爲引導整兵入援副將白世彥手斬驍賊以罵於陣賊遂敗走總兵李如碧亦率精兵入重圍運糧接濟兵始合爲一敗賊阿作尙復敗之得初尙九月又敗之紅巖尙坤率其妻祿氏逃於木弄箐復逃至烏蒙烏蒙不納坤遣漢把曾經賫印投降不許生擒坤於大方之杓箐並擒賊黨皮熊安重聖等熊不食十五日而食坤與重聖俱伏誅

四年十二月坤親黨卽岱土司隴安藩招納坤餘孽隴勝等及安重聖妻隴氏同反

命吳三桂發兵討之安藩殺安順府經歷袁績攻破關嶺直犯永寧隴勝等亦攻犯大定威寧殺畢節衛經歷秦文

五年六月隴勝等伏誅